

ანგარიში

აფხაზეთის ავტონომიური რესპუბლიკის სამთავრობო
სტრუქტურების მიერ გატარებული ღონისძიებების შესახებ
2016 წლის I კვარტალში



სარჩევი


ზოგადი მიმოხილვა.....	3
დიაგრამა № 1: აფხაზეთიდან იძულებით გადაადგილებულ პირთა ხვედრითი წილი განსახლების სახის მიხედვით 2016 წლის 01 აპრილისათვის.....	3
ცხრილი № 1: აფხაზეთიდან იძულებით გადაადგილებულ პირთა რიცხოვნობა რეგიონების მიხედვით.....	4
დიაგრამა № 2: აფხაზეთიდან იძულებით გადაადგილებულ პირთა ხვედრითი წილი განსახლების რეგიონების მიხედვით 2016 წლის 01 აპრილისათვის.....	5
დიაგრამა № 3: აფხაზეთიდან იძულებით გადაადგილებულ პირთა რაოდენობა და განსახლება რეგიონების მიხედვით 2016/Iკვ.-2015/Iკვ.	5
სოციალური სფერო.....	8
<i>ჯანდაცვა.....</i>	<i>8</i>
<i>განათლება, კულტურა, სპორტი</i>	<i>11</i>
ეკონომიკის სფერო	13
<i>ბიზნეს სექტორი</i>	<i>13</i>
დიაგრამა № 4: საშუალო თვიური ხელფასების შედარება 2016/Iკვ.-2015/Iკვ. მოქმედ ფასებში.....	13
<i>პროდუქციის ბრუნვა და გამოშვება</i>	<i>14</i>
დიაგრამა № 5: პროდუქციის ბრუნვა/გამოშვება 2016/Iკვ.-2015/Iკვ.....	14
დიაგრამა № 6: ენერგოსაწარმოების მიერ გამოიმუშავებული პროდუქციის ბრუნვა/გამოშვება 2016/Iკვ.-2015/Iკვ.	15
დიაგრამა № 7: ენერგოსაწარმოებში საშუალო თვიური ხელფასების შედარება 2016/Iკვ.-2015/Iკვ. მოქმედ ფასებში.....	15
2015 წლის დაზუსტებული მონაცემები	15
აფხაზეთის ავტონომიური რესპუბლიკის სახელმწიფო წილით დაფუძნებული საწარმოების ფუნქციონირების შედეგები	15
დიაგრამა № 8: შპს-ების ფინანსური მაჩვენებლების შედარება 2016/Iკვ.-2015/Iკვ.	16
სსიპ აფხაზეთიდან იძულებით გადაადგილებულ პირთა სტაჟირების, კვალიფიკაციის ამაღლებისა და დასაქმების ხელშეწყობის ცენტრი „ბიზნესინკუბატორი“.....	16
სოფლის მეურნეობა	18
სახელმწიფო ქონების მართვა და პრივატიზება	20
გეოლოგია 22	
საქვეუწყებო დაწესებულება – ინფრასტრუქტურისა და დარგობრივ საკითხთა დეპარტამენტი	22
აფხაზეთის ავტონომიური რესპუბლიკის ბიუჯეტი	23
დიაგრამა № 9: რესპუბლიკური ბიუჯეტის შემოსულობების საერთო მოცულობაში შემოსავლების ხვედრითი წილები სახეების მიხედვით. 2016 წ. I კვ.....	24
დიაგრამა № 10: რესპუბლიკური ბიუჯეტის შემოსულობების საერთო მოცულობაში შემოსავლების ხვედრითი წილები სახეების მიხედვით. 2016/Iკვ.-2015/Iკვ.....	24
ცხრილი №2: აფხაზეთის ავტონომიური რესპუბლიკის რესპუბლიკური ბიუჯეტის შესრულების შედეგები 2016 წლის I კვარტალში	24
დიაგრამა № 11: შემოსულობებისა და გადასახდელების შედარება 2016/Iკვ.-2015/Iკვ.	25

წინამდებარე ანგარიში მომზადებულია 2016 წლის I კვარტლის სტატისტიკურ მონაცემებზე დაყრდნობით და აფხაზეთის ავტონომიური რესპუბლიკის სამინისტროებისა და უწყებებისაგან მიღებული მასალების საფუძველზე. ანგარიში განსახილველად წარედგინება აფხაზეთის ავტონომიური რესპუბლიკის მთავრობას.

ზოგადი მიმოხილვა

2016 წლის 01 აპრილისათვის აფხაზეთის ავტონომიური რესპუბლიკის დევნილთა საქმეების დეპარტამენტის მონაცემებით საქართველოს სხვადასხვა რეგიონში განსახლებულ აფხაზეთიდან იგპ-თა საერთო რაოდენობა შეადგენდა 23 4875-ს, მათ შორის ქ. თბილისში – 98 469 (41,9%), სამეგრელო-ზემო სვანეთში – 86 929 (37%), იმერეთში – 25 721 (11%), ქვემო ქართლში – 9 238 (3,9%), აჭარაში – 6 744 (2,9%), სამცხე-ჯავახეთში – 2 225 (0,9%), შიდა ქართლში – 2 128 (0,9%), კახეთში – 1 190 (0,5%), მცხეთა-მთიანეთში – 901 (0,4%), რაჭა-ლეჩხუმ-ქვემო სვანეთში – 826 (0,4%), გურიაში – 504 (0,2%). კომპაქტურად ჩასახლებული იყო 33 020 (14,1%), ხოლო კერძო სექტორში – 201 855 პირი (85,9%). მიმდინარე პერიოდისათვის ქვეყნის მასშტაბით კომპაქტურად ჩასახლებულ ობიექტთა რაოდენობა შეადგენდა 726 ერთეულს. 14 876 ოჯახს (41 265 კაცი) საცხოვრებელი ფართი დაუმტკიცდა კერძო საკუთრებაში.

დიაგრამა № 1: აფხაზეთიდან იძულებით გადაადგილებულ პირთა ხვედრითი წილი განსახლების სახის მიხედვით 2016 წლის 01 აპრილისათვის




ცხრილი № 1: აფხაზეთიდან იძულებით გადაადგილებულ პირთა რიცხოვნობა რეგიონების მიხედვით

2016 წლის 01 აპრილის მდგომარეობით


	რიცხოვნობა			პროცენტობით		არაპრივატიზირებული კომპაქტ. ობიექტ. რაოდენობა
	სულ	მათ შორის		მათ შორის		
		კერძო	კომპ.	კერძო	კომპ.	
სულ	234 875	201 855	33 020	85,9	14,1	726
მათ შორის:						
აღმოსავლეთ საქართველოში	114 151	103 320	10 831	90,5	9,5	248
ქ. თბილისი	98 469	89 984	8 485	91,4	8,6	190
ქვემო ქართლი	9 238	8 758	480	94,8	5,2	15
შიდა ქართლი	2 128	1 702	426	80,0	20,0	22
მცხეთა-მთიანეთი	901	377	524	41,8	58,2	11
კახეთი	1 190	1 119	71	94,0	6,0	5
სამცხე-ჯავახეთი	2 225	1 380	845	62,0	38,0	5
დასავლეთ საქართველოში	120 724	98 535	22 189	81,6	18,4	478
სამეგრელო-ზემო სვანეთი	86 929	72 093	14 836	82,9	17,1	365
აჭარა	6 744	6 714	30	99,6	0,4	1
იმერეთი	25 721	18 581	7 140	72,2	27,8	100
რაჭა-ლეჩხუმ-ქვემო სვანეთი	826	643	183	77,8	22,2	12
გურია	504	504	-	100,0		-

2015 წლის ანალოგიურ პერიოდთან შედარებით იგპ-თა საერთო რაოდენობა გაიზარდა 4 685 პირით (2,0%). კერძოდ: ქ. თბილისში (3 000 იგპ-ით ანუ 3,1%-ით), შიდა ქართლში (54 იგპ-ით ანუ 2,6%-ით), სამცხე-ჯავახეთში (34 იგპ-ით ანუ 1,6%-ით), სამეგრელო-ზემო სვანეთში (1 152 იგპ-ით ანუ 1,3%-ით), აჭარაში (128 იგპ-ით ანუ 1,9 %-ით), იმერეთში (508 იგპ-ით ანუ 2,0%-ით), გურიაში (9 იგპ-ით ანუ 1,8%-ით). დევნილთა რაოდენობა შემცირდა ქვემო ქართლში (103 იგპ-ით ანუ 1,1%-ით), კახეთში (10 იგპ-ით ანუ 0,8%-ით), რაჭა-ლეჩხუმ-ქვემო სვანეთში (12 იგპ-ით ანუ 1,4%-ით), მცხეთა-მთიანეთში (75 იგპ-ით ანუ 7,7%-ით). არაპრივატიზებული კომპაქტური ობიექტების რაოდენობა შემცირდა 106 ერთეულით ანუ 14,6%-ით.

დიაგრამა № 2: აფხაზეთიდან იძულებით გადაადგილებულ პირთა ხვედრითი წილი განსახლების რეგიონების მიხედვით 2016 წლის 01 აპრილისათვის



დიაგრამა № 3: აფხაზეთიდან იძულებით გადაადგილებულ პირთა რაოდენობა და განსახლება რეგიონების მიხედვით 2016/1კვ.-2015/1კვ.



საანგარიშო პერიოდში იგპ-თა სოციალურ-ეკონომიკური რეაბილიტაციის მიზნით აფხაზეთის ავტონომიური რესპუბლიკის მთავრობისა და მისდამი დაქვემდებარებული სამინისტროებისა და უწყებების მიერ ქ. თბილისსა და რეგიონებში გატარდა სხვადასხვა სახის ღონისძიებები, განხორციელდა პროგრამები. საქმიანობაში პრიორიტეტებს წარმოადგენდა:

- ორგანიზებულად ჩასახლებულ ობიექტებში საყოფაცხოვრებო პირობების შესწავლა და რეაბილიტაცია კომპეტენციის ფარგლებში;
- სოციალური (ჯანდაცვითი და საგანმანათლებლო) პროგრამები;
- იგპ-თა დასაქმების ხელშეწყობა;
- საქართველოს რიგი უწყებების ხელშეწყობით იგპ-თათვის სხვადასხვა სახის, მათ შორის ჰუმანიტარული დახმარება;
- აფხაზეთის გახლეჩილი საზოგადოების წევრებს შორის ნდობის აღდგენისა და შერიგების პროცესის, აგრეთვე გაყოფილ ტერიტორიაზე მცხოვრებ, საერთო ინტერესების მქონე ჯგუფებს შორის ურთიერთობის ხელშეწყობა;
- სამთავრობო და არასამთავრობო (ადგილობრივ და საერთაშორისო) ორგანიზაციებთან თანამშრომლობა.

გარდა ზემოაღნიშნული პრიორიტეტებისა, საანგარიშო პერიოდში განხორციელდა სხვადასხვა სახის კულტურული და სპორტული ღონისძიებები, მათ შორის დასწრება თეატრებში, საჩუქრების დარიგება დევნილი ბავშვებისათვის, სოციალურად დაუცველი ოჯახებისათვის.

აფხაზეთის მთავრობის რეგიონული წარმომადგენლობების მიერ შესწავლილ იქნა ორგანიზებულად ჩასახლებული 167 ობიექტი. მოხდა კომპაქტური ჩასახლებების შენობა-ნაგებობების გადახურვა, ელექტრო და წყალგაყვანილობების რეაბილიტაცია, გამოსწორდა სამშენებლო ხარვეზები. სარეაბილიტაციო სამუშაოებში დასაქმებული იყვნენ დევნილებიც. აფხაზეთის ავტონომიური რესპუბლიკის მთავრობის თავმჯდომარის ბრძანებით შექმნილი სამუშაო ჯგუფების მიერ შესწავლილ იქნა ქ. თბილისში მდებარე დევნილთა ორგანიზებულად ჩასახლების ადგილებში არსებული კორპუსები.

გარდა ამისა, საქართველოს სხვადასხვა რეგიონში მცხოვრებ იგპ-ებს გაეწიათ სამართლებრივი ხასიათის კონსულტაციები და დახმარებები (დაბადების მოწმობის აღდგენა, სამუშაო სტაჟის დადგენა, პირადობის მოწმობის აღება, მოქალაქეობასთან დაკავშირებული საკითხები და სხვა). რამდენიმე დევნილ სტუდენტს გაეწია შუამდგომლობა სწავლის (სტუდენტის სტატუსი) აღდგენის, საფასურის გადანაწილებისა და სხვა მათთვის საჭირო პრობლემის გადაწყვეტასთან დაკავშირებით. შესაძლებლობის ფარგლებში მატერიალური დახმარება გაწეულ იქნა სამედიცინო მომსახურების თანადაფინანსებაშიც. მიმდინარეობდა მუშაობა იგპ-თა დასაქმების ხელშეწყობის კუთხით.

აფხაზეთის ავტონომიური რესპუბლიკის დევნილთა საქმეების დეპარტამენტის მონაცემებით, საანგარიშო პერიოდში, აფხაზეთის ავტონომიური რესპუბლიკის ოკუპირებული ტერიტორიებიდან იძულებით გადაადგილებულ პირთა – დევნილთა საკუთრებაში/სარგებლობაში გადაცემულ საცხოვრებელ ობიექტებში მცირეფასიანი და გადაუდებელი სარემონტო სახის სამუშაოების ჩატარების მიზნით შექმნილი კომისიების მიერ დაფინანსდა 5 განაცხადი, ხოლო გაცემულმა საერთო თანხამ შეადგინა 1 895 ლარი.

2016 წლის I კვარტალში აფხაზეთის ავტონომიური რესპუბლიკის მთავრობამ ერთჯერადი მატერიალური დახმარება გაუწია 177 ოჯახს, თანხის ოდენობამ მთლიანობაში შეადგინა 37 450 ლარი. აფხაზეთის ავტონომიური რესპუბლიკის მთავრობის წარმომადგენლობებს ერთჯერადი მატერიალური დახმარების მისაღებად განცხადებით მიმართა 1 841 ბენეფიციარმა. კომისიების მიერ დაკმაყოფილებულ იქნა 765 განცხადება და გაიცა ფინანსური დახმარება სულ 79 000 ლარის ოდენობით.

აფხაზეთის ავტონომიური რესპუბლიკის მოქმედი, კოდიფიცირებული ნორმატიული აქტების ხელმისაწვდომობის მიზნით, არსებული საკანონმდებლო ბაზის საფუძველზე, სისტემატურად ხორციელდებოდა აფხაზეთის ავტონომიური რესპუბლიკის იუსტიციის დეპარტამენტის ვებ-გვერდის განახლება, რომელზეც ელექტრონული ფორმით თავსდებოდა აფხაზეთის ავტონომიური რესპუბლიკის მოქმედი ნორმატიული აქტების კონსოლიდირებული ვერსიები. ამასთან, დევნილი მოსახლეობის ინტერესების დაცვისა და სამართლებრივი დახმარების გაწევის მიზნით, აფხაზეთის ავტონომიური რესპუბლიკის საკითხებთან დაკავშირებით მოძიებულ იქნა საქართველოს ნორმატიული აქტები (1992-1993წ.წ. აფხაზეთის ომამდე, ომისდროინდელი და შემდგომი პერიოდი), რომლებიც ასევე განთავსდა დეპარტამენტის ვებ-გვერდზე.

საანგარიშო პერიოდში აფხაზეთის ავტონომიური რესპუბლიკის იუსტიციის დეპარტამენტის მიერ ოკუპირებული ტერიტორიიდან გადმოსულ 4 პიროვნებაზე დადასტურდა ფოტოიდენტურობა. მზადდებოდა ყოველკვირეული ინფორმაცია აფხაზეთის ტერიტორიაზე მიმდინარე მოვლენებისა და ადამიანის უფლებების დარღვევის შესახებ, ხოლო მათ საფუძველზე ყოველი თვის ბოლოს კეთდებოდა აფხაზეთის დე-ფაქტო ტერიტორიაზე მიმდინარე მოვლენების ანალიზი, რომელიც მიეწოდებოდა სხვადასხვა სახელმწიფო დაწესებულებებს.

აფხაზეთის ავტონომიური რესპუბლიკის საარქივო საქმიანობის ჭრილში აფხაზეთიდან იგპ-ებზე გაიცა 142 დოკუმენტი.

საანგარიშო პერიოდში სამხედრო-სავალდებულო სამსახურში სულ გაწვეულ იქნა 36, ხოლო ალტერნატიულ სამხედრო-სავალდებულო სამსახურში – 2 წვევამდელი. გადავადების მოსაკრებელი (2 000 ლარი) გადაიხადა 3 წვევამდელმა.

საერთაშორისო და ადგილობრივ არასამთავრობო სექტორთან თანამშრომლობის კუთხით აქტიური მუშაობა ჩატარდა ნდობის აღდგენისა და შერიგების საკითხებში აფხაზეთის ავტონომიური რესპუბლიკის მთავრობის აპარატის მიერ. ჩატარდა საქმიანი შეხვედრები

დიასპორის საკითხებში საქართველოს მინისტრის აპარატთან და მოხდა შეთანხმება გრძელვადიან ერთობლივ სამოქმედო გეგმასთან მიმართებაში.

გარდა ამისა, ამავე უწყების მიერ ხორციელდებოდა სამშვიდობო ინიციატივათა პროგრამა, რომელიც ითვალისწინებს ქართულ და აფხაზურ საზოგადოებას შორის ნდობის აღდგენის ხელშეწყობას, ტოლერანტობის უნარ-ჩვევების განვითარებას, ადამიანის უფლებათა პატივისცემას, წიგნიერების დონის ამაღლებას, ქართველი და აფხაზი საზოგადოების საგანმანათლებლო შესაძლებლობების განვითარების ხელშეწყობას ნდობის აღდგენისა და შერიგებისათვის. საანგარიშო პერიოდში მეხსიერების კვლევების კავკასიურმა ცენტრმა ჩაატარა სამეცნიერო კვლევა „წარსულის ტყვეობაში: ქართველი დევნილების ჩახშული ხმები და სოციალური ინტეგრაციის დილემა“, რომელშიც აქტიური მონაწილეობა მიიღო ნდობის აღდგენისა და შერიგების საკითხებში აფხაზეთის ავტონომიური რესპუბლიკის მინისტრის აპარატმა. პროექტის მიზანს წარმოადგენდა აკადემიური კვლევის განხორციელება და, ამასთან ერთად, დევნილების პრობლემებზე მომუშავე სამთავრობო დაწესებულებებისათვის თუ არასამთავრობო ორგანიზაციებისათვის პრაქტიკული რეკომენდაციების შემუშავება.

ნდობის აღდგენისა და შერიგების საკითხებში აფხაზეთის ავტონომიური რესპუბლიკის მინისტრის აპარატის ორგანიზებით პროგრამის „ნდობის აღდგენისა და შერიგების სამშვიდობო რესურსები“ ფარგლებში გაიმართა მრგვალი მაგიდა თემაზე „აფხაზეთი დღეს. პრობლემები და გამოწვევები“, რომელშიც მონაწილეობა მიიღეს სამთავრობო და არასამთავრობო ორგანიზაციებმა, აკადემიური წრის წარმომადგენლებმა და აფხაზეთის თემით დაინტერესებულმა სტუდენტებმა. ღონისძიების მიზანი იყო ახალგაზრდების მეტად ჩართულობა აფხაზეთის თემასთან დაკავშირებული პრობლემების განხილვასა და გადაწყვეტილების მიღების პროცესში. შეხვედრაზე განიხილეს აფხაზეთში პოლიტიკურ, სოციალურ-ეკონომიკურ და კულტურულ სფეროში არსებული პრობლემები და მათი გადაჭრის გზები როგორც ადგილობრივ, ისე საერთაშორისო დონეზე.

სოციალური სფერო

ჯანდაცვა

2016 წლის I კვარტალში აფხაზეთის ავტონომიური რესპუბლიკის შრომის, ჯანმრთელობისა და სოციალური დაცვის სამინისტრო, აფხაზეთის მოსახლეობის სამედიცინო უზრუნველყოფის ხელშეწყობის მიზნით, ახორციელებდა საქმიანობას სხვადასხვა პროგრამებით. თითოეულ მათგანზე, მოქმედი კანონმდებლობის შესაბამისად, გამოცხადდა ელექტრონული ტენდერები.

საანგარიშო პერიოდში განხორციელდა შემდეგი პროგრამები:

- აფხაზეთიდან იძულებით გადაადგილებულ პირთა და მათი ოჯახის წევრთა (მეუღლე), აგრეთვე აფხაზეთის ავტონომიური რესპუბლიკის ტერიტორიაზე მცხოვრებთა (ნეიტრალური პასპორტის მქონე პირები) ამბულატორიული დახმარების პროგრამა - ითვალისწინებდა აღნიშნული დახმარების ცალკეული სახეების ღირებულების დაფინანსებას.
- ბირთვულ-მაგნიტურ-რეზონანსული გამოკვლევების კომპონენტი
პროგრამა ამოქმედდა მ.წ. 2 თებერვლიდან.
ელექტრონულ ტენდერში გაიმარჯვა შპს „მაღალი სამედიცინო ტექნოლოგიების ცენტრი, საუნივერსიტეტო კლინიკამ“, რომელთანაც გაფორმდა ხელშეკრულება 41 300 ლარზე. პროგრამის ბიუჯეტი განისაზღვრა 55 000 ლარით. ეკონომიამ შეადგინა 13 700 ლარი.
კომისიამ განიხილა 94 განცხადება, დაფინანსდა 72 ბენეფიციარი. ანაზღაურებულმა თანხამ შეადგინა 11 235 ლარი;
- კომპიუტერული ტომოგრაფიული გამოკვლევის კომპონენტი
ელექტრონულ ტენდერში გაიმარჯვა შპს „იოანე მოწყალეს სახელობის პრივატ კლინიკამ“, რომელთანაც გაფორმდა ხელშეკრულება 6 690 ლარზე. პროგრამის ბიუჯეტმა შეადგინა 15 000 ლარი. ეკონომიამ შეადგინა 8 310 ლარი. სულ პროგრამა მოიცავდა 60 ეპიზოდს.
კომისიამ განიხილა 27 პროფილური განცხადება, რომელთაგან დაკმაყოფილდა 25 (27 ეპიზოდი). გაიცა მიმართვები 2 676 ლარის ღირებულების გამოკვლევებზე;
- კლინიკურ-ლაბორატორიული და ინსტრუმენტული გამოკვლევების კომპონენტი
ითვალისწინებდა ბენეფიციართა უფასო კვალიფიციური სამედიცინო დახმარების ხელმისაწვდომობას ინსტრუმენტული გამოკვლევების მიღებაში. პროგრამის განხორციელებისათვის გამოცხადდა გამარტივებული ელექტრონული ტენდერი. ბიუჯეტი განისაზღვრა სულ 8 000 ლარით. გამარჯვებული გახდა შპს „ავერსის კლინიკა“ სატენდერო თანხით 7 905 ლარი. ეკონომიამ შეადგინა 95 ლარი;
- ორთოპედული (სტომატოლოგიური პროთეზირება) მომსახურების კომპონენტის
ბიუჯეტი განისაზღვრა 15 000 ლარით. მომსახურების შესყიდვაზე გამოცხადებულ გამარტივებულ ტენდერში გამარჯვებულად გამოცხადდა სსიპ „თბილისის სახელმწიფო სამედიცინო უნივერსიტეტის №1 სტომატოლოგიური კლინიკა“ სატენდერო თანხით 7 998,60 ლარი. ეკონომიამ შეადგინა 7 001,40 ლარი;
- აფხაზეთიდან იძულებით გადაადგილებულ პირთა, მათი ოჯახის წევრთა (მეუღლე), აგრეთვე აფხაზეთის ავტონომიურ რესპუბლიკის ტერიტორიაზე მცხოვრებთა (ნეიტრალური პასპორტის მქონე პირების) ჰოსპიტალური დახმარების პროგრამა გულისხმობდა საპროგნოზო პერიოდში ჰოსპიტალური დახმარების პროგრამის რეალიზებას, რომლის კომპონენტები (კორონარული

ანგიოგრაფიის მომსახურება და ორივე ზედა და ქვედა კიდურის პერიფერიული არტერიოგრაფია) მოიცავდა სახელმწიფო შესყიდვების გზით ბენეფიციარებისათვის იმ დახმარების გაწევას, რაც დარჩენილი იყო სახელმწიფო ჯანდაცვითი პროგრამების მომსახურების ჩამონათვალის მიღმა, მათ შორის სახელმწიფო სადაზღვევო პროგრამებისა.

პროგრამა ამოქმედდა მ.წ. 24 მარტიდან. ბიუჯეტი განისაზღვრა 25 000 ლარით. გამარტივებულ ელექტრონულ ტენდერში გაიმარჯვა შპს „იოანე მოწყალის სახელობის პრივატ კლინიკამ“, რომელთანაც გაფორმდა ხელშეკრულება 20 335 ლარზე. ეკონომიამ შეადგინა 4 665 ლარი.

სულ საანგარიშო პერიოდში დაფინანსდა 6 ბენეფიციარი. ანაზღაურებულმა თანხამ შეადგინა 3 720 ლარი;

- *აფხაზეთიდან იგპ-თა გასვლითი პროფილაქტიკური სამედიცინო გასინჯვების პროგრამის* მიზანს წარმოადგენდა ადგილზე ინსტრუმენტული და ლაბორატორიული გამოკვლევების გზით ავადობის აქტიური გამოვლენა, დევნილთა მედიკამენტებითა და ჰუმანიტარული ტვირთით უზრუნველყოფა.

პროგრამის ბიუჯეტი განისაზღვრა 75 000 ლარით. განხორციელება დაიწყო მ.წ. მეორე კვარტალში.

- *აფხაზეთიდან იძულებით გადაადგილებულ პირთა სარეაბილიტაციო მკურნალობის პროგრამა*

სულ პროგრამის ბიუჯეტი განისაზღვრა 40 000 ლარით.

ელექტრონულ ტენდერში გამარჯვებულად გამოცხადდა კლინიკა „დავით ტატიშვილის სპორტული მედიცინისა და რეაბილიტაციის ცენტრი“ სატენდერო თანხით 20 000 ლარი. ეკონომიამ შეადგინა 20 000 ლარი.

ამრიგად, საანგარიშო პერიოდში მოქმედი პროგრამებით დახმარება გაეწია სულ 103 დევნილს. ტენდერების შედეგად საბიუჯეტო თანხის ეკონომიამ შეადგინა სულ 53 771,4 ლარი.

აფხაზეთის ავტონომიური რესპუბლიკის მთავრობის ეგიდით და სამინისტროს ორგანიზებით, გაფორმებული ურთიერთთანამშრომლობის მემორანდუმის ფარგლებში, განხორციელდა ერთობლივი აქცია კლინიკასთან „ენმედიცი“, რომელიც მოიცავდა აფხაზეთიდან დევნილი მრავალშვილიანი დედების სამედიცინო გასინჯვებს. მიღებულ იქნა 20 ბენეფიციარი, განხორციელდა 130-მდე ვიზიტი ექიმთან. საჭიროებებიდან გამომდინარე, გამოკვლეულ იყვნენ აგრეთვე მრავალშვილიანი დედების ოჯახის წევრებიც.

აფხაზეთის ავტონომიური რესპუბლიკის ჯანდაცვის სამინისტრო ახორციელებდა როგორც აფხაზეთიდან დევნილი, ასევე აფხაზეთის ოკუპირებულ ტერიტორიაზე მცხოვრები მოსახლეობის სამედიცინო დახმარების ხელშეწყობ საქმიანობას, მათი

ჯანმრთელობის მდგომარეობის მონიტორინგს, განსახლებას. 2016 წლის I კვარტალში სამინისტროს დახმარებისათვის მიმართა ოკუპირებულ ტერიტორიაზე მცხოვრებმა 626-მა პირმა, მათ შორის 358 ეთნიკურად აფხაზმა. აფხაზეთის ავტონომიური რესპუბლიკის მთავრობის დავალებით, ქ. თბილისში, კალოუზნის ქ.№16-ში მდებარე სამედიცინო კორპუსში ჩატარდა სარემონტო სამუშაოები 66 კვ.მ ფართობზე. აღნიშნული პროექტის რეალიზების შედეგად სამინისტროს განკარგულებაშია 2 საცხოვრებელი ოთახი, სამზარეულო-სასადილო და სველი წერტილი. ეს ბლოკი იზოლირებულია კორპუსში განთავსებული დაწესებულებებისგან, რაც შესაძლებლობას იძლევა, აუცილებლობის მიხედვით, აფხაზი პაციენტების თანმხლები პირები განთავსდნენ ნორმალურ საცხოვრებელ პირობებში. საანგარიშო პერიოდში რეფერალური ობიექტით ისარგებლა ოკუპირებული აფხაზეთის ტერიტორიაზე ლეგიტიმურად მცხოვრებმა 13 ბენეფიციარმა თანმხლებ პირებთან ერთად. თითოეული მოსარგებლის ჩასახლება აღნიშნულ ობიექტზე განხორციელდა „აფხაზეთის ავტონომიური რესპუბლიკის ჯანმრთელობისა და სოციალური დაცვის სამინისტროს რეფერალური ობიექტით სარგებლობის წესის“ შესაბამისად.

საანგარიშო პერიოდში სამინისტროში შემოვიდა აფხაზეთიდან იგპ-თა სულ 592 განცხადება. აქედან, სხვადასხვა სახელმწიფო უწყებაში მომზადდა შუამდგომლობის 150 წერილი სამედიცინო დახმარების თაობაზე.

აფხაზეთის ავტონომიური რესპუბლიკის მთავრობიდან შემოსულ წერილებზე რეაგირების მიზნით, საჭირო სამედიცინო დოკუმენტაციის წარდგენის შემდეგ, სამინისტროში არსებული პროგრამების ფარგლებში, დაფინანსდა 7 ბენეფიციარის მაღალტექნოლოგიური გამოკვლევა (4 ბმრ ტომოგრაფია, 2 ბმრ კვლევა ანგიოგრაფიით, 1 ბენეფიციარის კორონაროგრაფია), 2 ბენეფიციარის სარეაბილიტაციო მკურნალობა, 1 ბენეფიციარის მრავალშვილიანი ოჯახი გასინჯული იყო „ენმედიცში“ ჩატარებული აქციის ფარგლებში).

განათლება, კულტურა, სპორტი

საანგარიშო პერიოდში აფხაზეთის ავტონომიური რესპუბლიკის განათლებისა და კულტურის სამინისტროს მიერ განხორციელდა შემდეგი პროგრამები:

- **„სასკოლო ინფრასტრუქტურისა და სასწავლო გარემოს გაუმჯობესება“**
ქვეპროგრამის ფარგლებში აფხაზეთის №2 და №7 საჯარო სკოლების კეთილმოწყობისათვის საჭირო მასალების შესაძენად გამოყოფილ იქნა 1 999 ლარი;
- **„წარმატებული ახალგაზრდების მხარდაჭერის პროგრამა“**
საანგარიშო პერიოდში განხილულ იქნა 41 განცხადება. პროექტით განსაზღვრული კრიტერიუმების მიხედვით დაფინანსდა 31 წარმატებული ახალგაზრდა აფხაზეთიდან;

- საღამოები

ქვეპროგრამის ფარგლებში მოეწყო საქართველოს სახალხო არტისტების – სერგო პაჭკორიას, გიორგი რატიანისა და თინა ბაბლიძის საიუბილეო საღამო. ღონისძიების დასრულების შემდეგ სახალხო არტისტებს გადაეცათ საჩუქრები და აფხაზეთის ავტონომიური რესპუბლიკის უმაღლესი საბჭოს საპატიო სიგელი;

- „სპორტულ ინიციატივათა მხარდაჭერის ქვეპროგრამა“

- ქვეპროგრამის ფარგლებში სტარტი აიღო საკალათბურთო სამოყვარულო ლიგის სეზონის გათამაშებამ, რომელშიც წარმატებით მონაწილეობდა აფხაზეთიდან დევნილი ახალგაზრდა და ვეტერანი სპორტსმენებით დაკომპლექტებული კალათბურთის სამოყვარულო გუნდი „აფხაზეთი“. საქართველოს მოყვარულ კალათბურთელთა 15 გუნდს შორის აფხაზეთის გუნდმა მე-5 ადგილი დაიკავა;
- ესტონეთის საერთაშორისო ტურნირში აფხაზეთის გუნდის სპორტსმენებმა ბერძნულ-რომაული სტილის ჭიდაობაში დაიკავეს სამი პირველი და სამი საპრიზო ადგილი.

დევნილი სპორტსმენების დაფინანსებისათვის გამოყოფილ იქნა 2 311 ლარი;

- „ტურნირები და აფხაზეთის ღია პირველობები სპორტის სხვადასხვა სახეობებში“

ქვეპროგრამის ფარგლებში გაიმართა საქართველოს დამსახურებული მწვრთნელის ამირან მაისურაძის სახელობის ტურნირი თავისუფალ ჭიდაობაში, სადაც მონაწილეობა მიიღო 300-მდე სპორტსმენმა. ჩამოსულები იყვნენ აგრეთვე აზერბაიჯანისა და რუსეთის ფედერაციის გუნდები. აფხაზეთის სახელით ასპარეზობდა სულ 13 სპორტსმენი;

- „გალის რაიონის სკოლამდელი აღზრდისა და სახელოვნებო სკოლების პედაგოგთა და ადმინისტრაციულ-ტექნიკური პერსონალის ფინანსური დახმარება“

ქვეპროგრამის ფარგლებში დაფინანსდა გალის რაიონის სკოლამდელი აღზრდის დაწესებულებების, მუსიკალური და სამხატვრო სკოლების 113 პედაგოგი და ადმინისტრაციულ-ტექნიკური პერსონალი;

- „ალექსანდრე შერვაშიძის ნამუშევრების გამოფენა და კატალოგის გამოცემა“

ქვეპროგრამის ფარგლებში საქართველოს ეროვნული მუზეუმისა და კულტურულ ფასეულობათა დაცვის სამსახურის წარმომადგენლებს შორის მოხდა შეთანხმება აფხაზეთთან დაკავშირებული მუზეუმის ფონდებში დაცული ექსპონატების ფოტომასალისა და მათი მოკლე ისტორიულ-თვისობრივი დახასიათების გადმოცემის

თაობაზე. არსებული ინფორმაციით, საქართველოს ეროვნული მუზეუმის ფონდებში დაიწყო ალექსანდრე შერვაშიძის სამუზეუმო ექსპონატების ფოტო ფიქსაცია;

- „აფხაზეთის ტაძრების დეტალური რუკა“

ქვეპროგრამით განსაზღვრული მოსამზადებელი სამუშაოების ფარგლებში დასრულდა მუშაობა აფხაზეთის ხუროთმოძღვრული რუკის ელექტრონულ ვერსიაზე, რის შედეგადაც მასზე, საერთო ჯამში, დატანილ იქნა 150 არქიტექტურული ნაგებობის კოორდინატი არსებული მდგომარეობის მითითებით;

- „აფხაზეთის კულტურული მემკვიდრეობის ელექტრონული ონლაინ მუზეუმი“


მოხდა შეთანხმება შპს „ბიზნესიქს“-თან ქვეპროგრამით გათვალისწინებული ვირტუალური მუზეუმის შესაქმნელად საჭირო დიზაინერული და პროგრამული მომსახურების თაობაზე. ამჟამად მიმდინარეობს მუშაობა დიზაინის შექმნასა და დახვეწაზე.

ეკონომიკის სფერო

ბიზნეს სექტორი

2016 წლის I კვარტალში აფხაზეთის ავტონომიური რესპუბლიკის ბიზნეს სექტორის ორგანიზაციებში, რომელთაც მართავს როგორც აფხაზეთის ავტონომიური რესპუბლიკის ფინანსთა და ეკონომიკის სამინისტრო, ასევე სსიპ „საწარმოთა მართვის სააგენტო“, საშუალოდ 1 533 კაცი მუშაობდა. დასაქმებულთა შრომის ანაზღაურებამ ამ პერიოდში სულ შეადგინა 3 722,9 ათასი ლარი, საშუალო ხელფასის ოდენობამ თვეში – 809,5 ლარი.

დიაგრამა № 4: საშუალო თვიური ხელფასების შედარება 2016/I კვ. - 2015/I კვ. მოქმედ ფასებში




როგორც №4 დიაგრამიდან ჩანს, 2016 წლის I კვარტალში საშუალო ნომინალური ხელფასი თვეში ერთ მომუშავეზე დაფიქსირდა 809,5 ლარის დონეზე, რაც 2015 წლის ანალოგიურ პერიოდთან (734,5 ლარი) შედარებით გაიზარდა 75,0 ლარით ანუ 10,2 პროცენტით.

პროდუქციის ბრუნვა¹ და გამოშვება²

2016 წლის I კვარტალში ბიზნეს საწარმოთა მიერ პროდუქციის ბრუნვა/გამოშვება განისაზღვრა 7 730,9 ათასი ლარით.

დიაგრამა № 5: პროდუქციის ბრუნვა/გამოშვება 2016/Iკვ.-2015/Iკვ.



დიაგრამიდან №5 ჩანს, რომ 2016 წლის I კვარტალში პროდუქციის ბრუნვა და გამოშვება 2015 წლის ანალოგიურ პერიოდთან შედარებით (7 432,1 ათასი ლარი) გაიზარდა 298,8 ათასი ლარით, ანუ 4,0 პროცენტით.

2016 წლის I კვარტალში პროდუქციის ბრუნვისა და გამოშვების საერთო მოცულობაში ძირითადი წილი (98,7%) მოდის ენერგეტიკაზე – 7 526,8 ათასი ლარი, ხოლო სამედიცინო პროფილის საწარმოებზე (პოლიკლინიკები) – 175,9 ათასი ლარი (1,2%).


2016 წლის I კვარტალში ენერგოსაწარმოებმა (შპს „ენგურჰესი“ და შპს „ვარდნილჰესების კასკადი“) წინასწარი მონაცემებით სულ **610,3** მლნ.კვტ.სთ ელექტროენერგია გამოიმუშავეს. წინა წლის ანალოგიურ პერიოდთან შედარებით (613,3 მლნ. კვტ.სთ.) ელექტროენერგიის გამოიმუშავება შემცირდა 19%-ით.

საანგარიშო პერიოდში ამ საწარმოებში დასაქმებული იყო სულ 1 147 კაცი, რომელთა საშუალო ხელფასი თვეში განისაზღვრა 966,4 ლარით, რაც 90,6 ლარით, ანუ 10,3 პროცენტით მეტია წინა წლის ანალოგიურ მაჩვენებელთან (875,8) შედარებით.


¹პროდუქციის ბრუნვა – არის საანგარიშო პერიოდში ეკონომიკური ერთეულის მიერ განხორციელებული გაყიდვები ანუ დარიცხული შემოსავლები საქონლისა და მომსახურების გაყიდვებიდან (ბარტერის ჩათვლით). ბრუნვა მოიცავს ყველა გადასახადსა თუ ბაჟს საქონელსა და მომსახურებაზე (დღგ-ისა და აქციზის გარდა). მასში ჩაირთვება აგრეთვე ყველა ხარჯი (სატრანსპორტო, შეფუთვის და ა.შ.), რომლებიც დაეკისრება მყიდველს. ფასთა დაწევა, ფასდაკლებები თუ ფასდათმობები, აგრეთვე დაბრუნებული ტარის ღირებულება შეიძლება გამოირიცხოს ბრუნვიდან (ნაღდი ანგარიშსწორებისას მხოლოდ ფასდაკლებების გამორიცხვით). ბრუნვაში არ ჩაირთვება აქტივების გაყიდვა, აგრეთვე სუბსიდიები.

²პროდუქციის გამოშვება – განსაზღვრავს ეკონომიკური ერთეულის მიერ ფაქტობრივად წარმოებული პროდუქციის რაოდენობას და რეალიზებული პროდუქციის მოცულობას, გადაყიდვისათვის შეძენილი საქონლისა და მომსახურების, აგრეთვე მატერიალური საბრუნავი საშუალებების მარაგების ცვლილებების ჩათვლით.

დიაგრამა № 6: ენერგოსაწარმოების მიერ გამოიმუშავებული პროდუქციის ბრუნვა/გამოშვება 2016/1კვ.-2015/1კვ.



დიაგრამა № 7: ენერგოსაწარმოებში საშუალო თვიური ხელფასების შედარება 2016/1კვ.-2015/1კვ. მოქმედ ფასებში



აქვე მოგაწვდით 2015 წლის დაზუსტებულ მონაცემებს:

- ბიზნეს სექტორში დასაქმებულთა რაოდენობა სულ – 1544 კაცი;
- ბიზნეს სექტორში დასაქმებულთა შრომის ანაზღაურება სულ – 14 714,9 ლარი;
- ბიზნეს სექტორში დასაქმებულთა საშუალო ხელფასი თვეში – 794,2 ლარი;
- ბიზნეს საწარმოთა პროდუქციის ბრუნვა/გამოშვება – 53 120,5 ათ. ლარი;
- ენერგეტიკის საწარმოების პროდუქციის ბრუნვა/გამოშვება – 52 452,2 ათ. ლარი;
- სამედიცინო პროფილის საწარმოების პროდუქციის ბრუნვა/გამოშვება – 647,8 ათ.ლარი;
- ენერგოსაწარმოებში დასაქმებულთა რაოდენობა – 1 145 კაცი;
- ენერგოსაწარმოებში დასაქმებულთა შრომის ანაზღაურება სულ – 13 185,1 ლარი;
- ენერგოსაწარმოებში დასაქმებულთა საშუალო ხელფასი თვეში – 956,6 ლარი


აფხაზეთის ავტონომიური რესპუბლიკის სახელმწიფო წილით დაფუძნებული საწარმოების ფუნქციონირების შედეგები

საანგარიშო პერიოდში აფხაზეთის ავტონომიური რესპუბლიკის ფინანსთა და ეკონომიკის სამინისტროს მართვაში იყო 17 შპს, რომელთაგან 14 საწარმო წარმოადგენდა სამედიცინო პროფილის დაწესებულებას (პოლიკლინიკები).

საანგარიშო პერიოდში, წინასწარი მონაცემებით, აღნიშნული შპს-ების საერთო შემოსავალმა შეადგინა 726 731,9 ლარი, მოგებამ – 60 083,3 ლარი, წმინდა მოგებამ – 55 086,4 ლარი. ხარჯები განისაზღვრა 675 769,5 ლარით. მოგების გადასახადმა შეადგინა 9 120,8 ლარი. ამავე პერიოდში ამ საწარმოებში დასაქმებული იყო სულ 450-მდე პირი. მოგების თანაფარდობამ შემოსავალთან შეადგინა 7%.

2016 წლის I კვარტალში შპს-ების საერთო შემოსავალი 2015 წლის ანალოგიური პერიოდის მაჩვენებელთან (350 973 ლარი) შედარებით გაიზარდა 375 758,9 ლარით ანუ 2-ჯერ, ხოლო მოგება (2015 წლის I კვარტალში – 21 521,27 ლარი) –38 562,0 ლარით ანუ დაახლოებით 3-ჯერ.

დიაგრამა № 8: შპს-ების ფინანსური მაჩვენებლების შედარება 2016/Iკვ.-2015/Iკვ.



აღსანიშნავია აფხაზეთის ავტონომიური რესპუბლიკის მთავრობის 2014 წლის 29 იანვრის დადგენილებით შექმნილი *სსიპ აფხაზეთიდან იძულებით გადაადგილებულ პირთა სტაჟირების, კვალიფიკაციის ამაღლებისა და დასაქმების ხელშეწყობის ცენტრის „ბიზნესინკუბატორი“* (შემდგომ – „ბიზნესინკუბატორი“) საქმიანობა, რომელსაც მართავს აფხაზეთის ავტონომიური რესპუბლიკის ფინანსთა და ეკონომიკის სამინისტრო. მას დაევალა აფხაზეთიდან იგპ-თათვის ახალი სამუშაო ადგილების შექმნისა და დასაქმების ხელშეწყობა, იგპ-თა სწავლება/სტაჟირება, მცირე ბიზნესში ჩართვა. ამ მიზნით „ბიზნესინკუბატორს“ გადაეცა 2012-2013 წ.წ. გაცოტრებული და აუქციონებზე გაუყიდავად დარჩენილი ყოფილი სს „ელექტრომექანიკოსის“ 17 ათასი კვ.მ ტერიტორია, მათ შორის ამორტიზირებული შენობა-ნაგებობები 10,5 ათასი კვ.მ. ქ. ქუთაისში.

2015 წლის მონაცემებით „ბიზნესინკუბატორში“ ფუნქციონირებდა:

- ჩაის მცირე ფაბრიკა – შპს „თერნალი ჩაი“, რომელიც ამჟამად ე.წ. აგურა ჩაის აწარმოებს და გამოშვებულ პროდუქციას ექსპორტზე მონღოლეთში აგზავნის;
- მცირე საწარმოები (შპს „ჩარხოსანი“, ინდემწარმე „მევლუდ ბოჭორიშვილი“, ინდემწარმე „ავთანდილ ბერძული“);

- მიკრობიზნესის სტატუსით რეგისტრირებული ინდივიდუალური საწარმო „მერაბ კარტოზია“, რომელიც აწარმოებს საკუთარი კონსტრუქციით შექმნილ სანაგვე კონტეინერებს.

„ბიზნესინკუბატორი“ მუშაობდა დამწყები მცირემიწიანი ფერმერებისათვის სანიმუშო/სადემონსტრაციო ბიომეურნეობის შექმნაზე. მის ტერიტორიაზე მოეწყო 960 კვ.მ სასათბურე მეურნეობა, რომლის პრიორიტეტულ მიმართულებას წარმოადგენს ბიოპრეპარატებისა და ორგანული სასუქების გამოყენებით ბაზრეულისა და ბოსტნეული მოყვანა.

გარდა ამისა, „ბიზნესინკუბატორთან“ აქტიურად თანამშრომლობდა აფხაზეთიდან იგპ-ების მიერ დაფუძნებული არასამთავრობო ორგანიზაცია „მშვიდობიანი და საქმიანი კავკასია“, რომლის მისიას, დევნილების დასაქმებასთან ერთად, ქართულ-აფხაზური, ქართულ-ოსური ნდობის აღდგენა და სახალხო დიპლომატიის განვითარება წარმოადგენს. ის ჰუმანიტარულ სამედიცინო დახმარებას უწევდა ოკუპირებული ტერიტორიებიდან ჩამოსულ აფხაზ და ოს პაციენტებს. „ბიზნესინკუბატორის“ შენობაში ღამის სათევად ავადმყოფებისათვის მოწყობილი იყო უფასო 3 სასტუმრო ოთახი.

განსაკუთრებით აღსანიშნავია აფხაზეთის ავტონომიური რესპუბლიკის მთავრობის, სოფლის მეურნეობისა და ბუნებრივი რესურსების დეპარტამენტის მიერ წამოწყებული სათბურის კონსტრუქციების საოკუპაციო ხაზის გასწვრივ მცხოვრები მოსახლეობის და დევნილების დასაქმებისათვის ფერმერებზე გრძელვადიანი იჯარით გაცემის ინიციატივა, რომელიც განახორციელა „ბიზნესინკუბატორმა“. ამ ინიციატივის შედეგად:

- სრულ მარცვა-განადგურებას გადაურჩა გარდაბნის რაიონის სოფელ კრწანისში, რუსთავის გზატკეცილის მე-17 კილომეტრზე მდებარე წლობით გამოუყენებელი 8 ჰა-მდე სათბურის კონსტრუქციები, რომელთაგან 4 ჰა აფხაზეთის მთავრობამ სარგებლობაში გადასცა „ბიზნესინკუბატორს“. მასვე დაევალა ამ სათბურების გრძელვადიანი იჯარით, აუქციონის წესით გაცემისა და დევნილთა დასაქმებისათვის მიზნობრივი გამოყენების პროცესის უზრუნველყოფა;
- 58-მა ფერმერმა ხელმისაწვდომ პირობებში მიიღო „ბიზნესინკუბატორისათვის“ გადაცემული 88 სათბურის კონსტრუქცია. მოეწყო სასათბურე მეურნეობები. შეიქმნა 4 სასოფლო-სამეურნეო კოოპერატივი.

2016 წლის I კვარტალის მონაცემებით:

„ბიზნესინკუბატორის“ სარგებლობაში არსებული ფართებიდან კომერციულად დატვირთული იყო 1 839 მ².

საანგარიშო პერიოდში ხელშეკრულება გაფორმდა შპს „ორგტექნიკა-სოხუმთან“ და აფხაზეთიდან დევნილ გულადი კალანდიასთან.

ამავე პერიოდში სათბურებში მოყვანილი საცდელი პროდუქცია უსასყიდლოდ გადაეცა აფხაზეთიდან დევნილებს. შემდგომ სათბურები გასუფთავდა, დამუშავდა მიწა, გამოყვანილ იქნა ჩითილები და მომზადდა დასარგავად.

„ბიზნესინკუბატორში“ მოიჯარეების მატებასთან ერთად გაიზარდა მოთხოვნილება სამეწარმეო დანიშნულების წყალზე. საანგარიშო პერიოდში მიღებულ იქნა სასარგებლო წიაღისეულის მოპოვების ლიცენზია მიწისქვეშა მტკნარი წყლის (სამეწარმეო დანიშნულებით) მოპოვებაზე – წელიწადში 10 ათასი კუბური მეტრი. ათვისების გეგმა შეთანხმდა და დამტკიცდა სსიპ გარემოს ეროვნული სააგენტოს მიერ.

მ.წ. I კვარტალში „ბიზნესინკუბატორის“ იჯარის შემოსავლებმა სულ შეადგინა 6 758 ლარი. გასული წლის ანალოგიურ პერიოდში შემოსავალი სულ შეადგენდა 6 897 ლარს.

სოფლის მეურნეობა

კოლხური ბზის გადარჩენის ეროვნული სამოქმედო გეგმის ფარგლებში აფხაზეთის სოფლის მეურნეობის, გარემოს დაცვისა და ბუნებრივი რესურსების დეპარტამენტის მიერ განხორციელდა სხვადასხვა სახის ღონისძიებები, კერძოდ:

- კოლხური ბზის მავნებელ-დაავადებებთან ბრძოლის არეალი გაფართოვდა და დაემატა აფხაზეთის ოკუპირებული ტერიტორია – გალის და ტყვარჩელის რაიონი. ამ ტერიტორიაზე აქტიური ქმედებების განხორციელების მისაღები ფორმებისა და ფინანსური უზრუნველყოფის მიზნით მიმდინარეობდა კონსულტაცია საქართველოს გარემოს დაცვისა და ბუნებრივი რესურსების სამინისტროსთან, შერიგებისა და სამოქალაქო თანასწორობის საკითხებში სახელმწიფო მინისტრის აპარატთან და საერთაშორისო ორგანიზაციებთან;
- სამოქმედო გეგმის ერთ-ერთი პრიორიტეტული მიმართულების – კოლხური ბზის სანერგე მეურნეობების შექმნის მიზნით შემუშავდა პროექტი „კოლხური ბზის სანერგე მეურნეობა“, რომლის განხორციელება იგეგმება ზუგდიდის რაიონის ს. რუხში. პროექტი ითვალისწინებს გამოყვანილი კოლხური ბზის ნერგების გადაცემას აფხაზური მხარისათვის დაზიანებული კორომების აღდგენისათვის და ბუნებრივი გარემოდან მისი ამოღების შესამცირებლად. იმპლემენტატორია სსიპ „გამწვანებისა და გარემოსდაცვითი პროექტების სააგენტო“. იდეის უახლოეს მომავალში განხორციელებისათვის ასოციაციის „აგორა“, კავკასიის გარემოსდაცვითი არასამთავრობო ორგანიზაციების ქსელის (CENN) და ეროვნული სატყეო სააგენტოს დახმარებით მოზიდულია ფინანსური და მატერიალური აქტივობები;
- გალის რაიონის ს. ოქუმის მეურნეობიდან ჩამოტანილ იქნა კოლხური ბზის ნიმუშები, რომელთა ლაბორატორიულმა გამოკვლევამ აჩვენა ამ ტერიტორიაზე

ბზის ალურასა და ბზის სიდამწვრის გამომწვევი პათოგენური სოკოს მასობრივი გავრცელება.

გარდა ამისა, საანგარიშო პერიოდში ჩაის კულტურების წარმოებისა და ამ კუთხით განვითარებასთან დაკავშირებით ჩინეთში გაემგზავრა დელეგაცია, რომლის შემადგენლობაში შეყვანილ იქნა აფხაზეთის სოფლის მეურნეობის, გარემოს დაცვისა და ბუნებრივი რესურსების დეპარტამენტის წარმომადგენელი. აღნიშნული დასტურია იმისა, რომ არსებობს დაინტერესება ამ ღონისძიებაში დევნილთა შესაძლო მონაწილეობასთან დაკავშირებით. ვიზიტის მიზანს წარმოადგენდა საქართველოში, კერძოდ სამეგრელო-ზემო სვანეთის რეგიონში არსებული ჩაის პლანტაციების რეაბილიტაციის, აგროსექტორში ინვესტიციების მოზიდვის, ჩაის პროდუქციის ხარისხის გაუმჯობესების განსახორციელებლად საჭირო ღონისძიებების საკითხების განხილვა. ქართულმა მხარემ წარადგინა საინვესტიციო წინადადებები, რომელიც საწყის ეტაპზე ითვალისწინებს 1 024 ჰექტარზე არსებული ჩაის პლანტაციების რეაბილიტაციას, რაც რეგიონში დევნილთა დასაქმებასაც შეუწყობს ხელს.

აღსანიშნავია, რომ დეპარტამენტის მიერ მუდმივად მიმდინარეობს მეწარმეთა და ფერმერთა კონსულტირება სხვადასხვა საკითხებთან დაკავშირებით. მზადდება აგრეთვე სოფლის მეურნეობის კუთხით დაინტერესებული დევნილი მოსახლეობისათვის საინფორმაციო ბუკლეტები და ცნობარები.

საანგარიშო პერიოდში სპეციალისტების მიერ განხორციელდა საკარმიდამო ადგილებში განლაგებული საფუტკრეების საგაზაფხულო სარევიზიო შემოწმება ინვაზიური და ინფექციური დაავადებების გამოვლენის მიზნით. იმ საფუტკრეებს, რომელშიც გამოვლენილ იქნა დაავადებები (ნოზემატოზი, ასკოსფეროზი, სიდამპლეები), გაეწია სამკურნალო-პროფილაქტიკური სამუშაოების განხორციელების რეკომენდაცია შესაბამისი ვეტერინარული პრეპარატების გამოყენებით.

ასევე ჩატარდა სალექციო კურსი მეფუტკრეობის კოლეჯში, რომელიც თანაარსებობს მეფუტკრეთა გილდიასთან. კურსის ფარგლებში ჩატარდა პრაქტიკული მეცადინეობები კოოპერატივის „კოდორი 2015“ საცდელ-სადემონსტრაციო საფუტკრეში.

2016 წლის I კვარტალში გაგრძელდა გამწვანება-გატყევების სამუშაოები. კერძოდ, გლდანის ყოფილი ნაგავსაყრელის ტერიტორიაზე დაირგო 400 ძირი აკაციის ნერგი. სსიპ „გამწვანებისა და გარემოსდაცვითი პროექტების სააგენტოს“ უსასყიდლოდ გადაეცა სხვადასხვა ჯიშის ნერგები (კედარი, ცაცხვი, კიპარისი), მათგან 90 ძირი დაირგო ვარკეთილის მე-4 მიკრორაიონში აფხაზეთიდან იგპ-თა კომპაქტური ჩასახლების მიმდებარე ტერიტორიაზე, ხოლო დანარჩენი გადაეცა აფხაზეთის ავტონომიური რესპუბლიკის მთავრობის წარმომადგენლობას აღმოსავლეთ საქართველოში (95 ნერგი) და აფხაზეთის ავტონომიური რესპუბლიკის ფინანსთა და ეკონომიკის სამინისტროს (45 ნერგი).

ოკუპირებულ ტერიტორიაზე სანიტარიის, ვეტერინარიისა და მცენარეთა დაცვის მონიტორინგისა და რეაგირების სამსახურმა გალის რაიონის ტერიტორიაზე განახორციელა მონიტორინგი საგაზაფხულო სამუშაოებთან დაკავშირებით. შემოწმდა შესასხურებელი აპარატების ტექნიკური მდგომარეობა.

გრძელდება ეპიზოოტიურ სიტუაციაზე დაკვირვება ცხოველთა და ფუტკართა ინფექციურ და ინვაზიურ დაავადებათა შესაძლო კერების გამოვლენის მიზნით. მზადდება მოთხოვნის საფუძველზე აუცილებელი ვეტპრეპარატების შეძენის მიზნით საჭირო სატენდერო დოკუმენტაცია.

სახელმწიფო ქონების მართვა და პრივატიზება

სახელმწიფო ქონების მართვისა და პრივატიზაციის დეპარტამენტი საანგარიშო პერიოდში განკარგავდა აფხაზეთის ავტონომიური რესპუბლიკის კუთვნილ უძრავ და მოძრავ ქონებას, კერძოდ:

აფხაზეთის ავტონომიური რესპუბლიკის ფინანსთა და ეკონომიკის სამინისტროს მიერ გადაეცა:

მოძრავი ქონება

- აფხაზეთის ავტონომიური რესპუბლიკის სსიპ გამწვანებისა და გარემოს დაცვითი პროექტების სააგენტოს:
 - ავტომანქანა „VOLKSWAGEN PASSAT“, სახელმწიფო ნომრით NSN 393, გამოშვების წელი 1999, ტრანსპორტის WVWMA63B5XE041056, საწყისი საბალანსო ღირებულებით 7 000 ლარი, ნარჩენი საბალანსო ღირებულებით 2 990 ლარი;
 - სარგებლობის უფლებით გარდაბნის რაიონის სოფ კრწანისში, რუსთავის გზატკეცილის მე-17 კოლომეტრზე მდებარე მეორადი სასათბურე კონსტრუქციები საწყისი საბაზრო ღირებულებით 49 585 ლარი, ნარჩენი ღირებულებით 48 841,20 ლარი;
- შპს „ავტოტრანსსერვის“-ს – სპეციალური დანიშნულების მიკროავტობუსი „მერსედესი“, გამოშვების წელი 2001, სახელმწიფო ნომრით OCO 226, საწყისი საბალანსო ღირებულებით 25 290 ლარი, ნარჩენი საბალანსო ღირებულებით 9 357,3 ლარი;
- აფხაზეთის ავტონომიური რესპუბლიკის განათლებისა და კულტურის სამინისტროს – სსიპ კინოცენტრის „აფხაზეთი“ ლიკვიდაციის შედეგად გამოთავისუფლებული ძირითადი საშუალებები საერთო ღირებულებით 377,83 ლარი, ასევე მცირეფასიანი ინვენტარი 2 537,30 ლარის ღირებულებით.

აფხაზეთის ავტონომიური რესპუბლიკის ფინანსთა და ეკონომიკის სამინისტროს გადმოეცა:

მომრავი ქონება

- აფხაზეთის ავტონომიური რესპუბლიკის სსიპ გამწვანებისა და გარემოს დაცვითი პროექტების სააგენტოდან – ავტომანქანა „VOLKSWAGEN PASSAT“, სახელმწიფო ნომრით NSN 393, გამოშვების წელი 1999, ტრანსპორტის WVWMA63B5XE041056, საწყისი საბალანსო ღირებულებით 7 000 ლარი, ნარჩენი საბალანსო ღირებულებით 2 990 ლარი;
- აფხაზეთის ავტონომიური რესპუბლიკის განათლებისა და კულტურის სამინისტროსაგან – სსიპ კინოცენტრის „აფხაზეთი“ ლიკვიდაციის შედეგად გამოთავისუფლებული მომრავი ქონება, კერძოდ:
 - ძირითადი საშუალებები საწყისი ღირებულებით 4 141,29 ლარი, ნარჩენი ღირებულებით 918,18 ლარი;
 - მცირეფასიანი ინვენტარი საერთო საბალანსო ღირებულებით 2 739,62 ლარი.
- აფხაზეთის ავტონომიური რესპუბლიკის განათლებისა და კულტურის სამინისტროსაგან – სპეციალური დანიშნულების მიკროავტობუსი „მერსედესი“, გამოშვების წელი 2001, სახელმწიფო ნომრით OCO 226, საწყისი საბალანსო ღირებულებით 25 290 ლარი, ნარჩენი საბალანსო ღირებულებით 9 357,3 ლარი;
- აფხაზეთის ავტონომიური რესპუბლიკის უმაღლესი საბჭოდან – ავტომანქანა „VOLKSWAGEN JETTA“, სახელმწიფო ნომრით ZMS 247, გამოშვების წელი 2002, საწყისი საბალანსო ღირებულებით 11 000 ლარი, ნარჩენი საბალანსო ღირებულებით 2 178 ლარი;
- სსიპ საქართველოს ფინანსთა სამინისტროს მომსახურების სააგენტოდან – უსასყიდლოდ, საოფისე ძირითადი საშუალებები და მცირეფასიანი ინვენტარი.

სხვა სამუშაოები:

გარდა ამისა, საანგარიშო პერიოდში სახელმწიფო 100%-იანი წილობრივი მონაწილეობით შექმნილი საწარმოების ეფექტური მართვისა და მათი კონკურენტუნარიანობის უზრუნველყოფისათვის განხორციელდა შემდეგი ღონისძიებები:

- გარდა ამისა, საქართველოს ეკონომიკისა და მდგრადი განვითარების სამინისტროსთან სისტემატურად მიმდინარეობს აფხაზეთის მთავრობის 100% წილობრივი მონაწილეობით დაფუძნებული საწარმოების -- შპს „სენაკის დევნილთა პოლიკლინიკა“, შპს „საოჯახო მედიცინის ცენტრი ცხუმი“, შპს „საოჯახო მედიცინის ცენტრი აფხაზეთი“, შპს „ავტოტრანსპორტის“ -- უსასყიდლოდ უზუფრუქტის ფორმით სამუშაო ფართით უზრუნველყოფასთან დაკავშირებული კონსულტაციები.
- დეპარტამენტი ახორციელებს სახელმწიფოს 100% წილობრივი მონაწილეობით დაფუძნებული საწარმოების მართვას, მათი ხელშეწყობის მიზნით წლიური და კვარტალური ანგარიშების ანალიზისა და ანალიზის შედეგებიდან

გამომდინარე წინადადებებისა და რეკომენდაციების შემუშავებას საწარმოების მიერ მოთხოვნილი (რეინვესტირებული) თანხის მიზნობრივ გამოყენებაზე.

- შესწავლილ და გაანალიზებულ იქნა საწარმოთა 2015 წლის ფინანსური ანგარიშები;
- შემუშავებულ და დამტკიცებულ იქნა (კორექტირებული, რეალური შემოსავლების გათვალისწინებით) საწარმოების 2016 წლის ბიზნეს გეგმები;
- საწარმოთა მატერიალურ-ტექნიკური ბაზის გაუმჯობესების მიზნით (ძირითადად სამედიცინო დაწესებულებებისათვის), ფულადი სახსრების დეფიციტის პირობებში, მისი ეფექტური და სწორი გამოყენების მიზნით, შემუშავებულ იქნა წინადადებები, კერძოდ ლიზინგის წესით საჭირო და აუცილებელი ძვირადღირებული სამედიცინო მანქანა-დანადგარების შეძენის შესახებ;
- საწარმოთა ფართით უზრუნველყოფის მიზნით, მიმდინარეობს კონსულტაციები საქართველოს აღმასრულებელი ხელისუფლების შესაბამის სტრუქტურებთან.

გეოლოგია

აფხაზეთის გეოლოგიისა და მინერალური რესურსების სააგენტო საანგარიშო პერიოდში მუშაობდა 2016 წლის დამტკიცებული სამუშაო გეგმის შესაბამისად. 2016 წლის I კვარტალში ძირითადი აქცენტი გაკეთებული იყო აფხაზეთის შავი ზღვის სანაპირო ზოლის გეოეკოლოგიური მდგომარეობის და სანაპირო ზოლიდან ინერტული მასალის დიდი რაოდენობით მოპოვება-გატანის შედეგად გარემოზე ზემოქმედების შედეგების შესწავლაზე. გარდა ამისა, საქართველოს გეოლოგიურ ფონდებში დაცული მასალების საფუძველზე მოძიებულ იქნა ინფორმაცია ოჩამჩირის და გალის რაიონის ტერიტორიის ნავთობმატარებლობის შესახებ.

საქვეუწყებო დაწესებულება – ინფრასტრუქტურისა და დარგობრივ საკითხთა დეპარტამენტი

დეპარტამენტის საქმიანობის ძირითად მიმართულებას წარმოადგენდა საქართველოს სხვადასხვა რეგიონში კომპაქტურად ჩასახლებული იგპ-ების საცხოვრებელი შენობა-ნაგებობების საინჟინრო ინფრასტრუქტურის მდგომარეობის შესწავლა და ანალიზი, საჭირო სარემონტო სამუშაოების მოცულობის დადგენა და შესაბამისი დეფექტური აქტების, ტექნიკური დოკუმენტაციების შედგენა.

აღნიშნულ პერიოდში, აფხაზეთის მთავრობის დავალების თანახმად, შემუშავებულ და წარმოდგენილ იქნა კომპაქტურად ჩასახლებული დევნილების საყოფაცხოვრებო პირობების გასაუმჯობესებლად გადაუდებელი სამუშაოების საორიენტაციო ღირებულებების დადგენა რეგიონების მიხედვით. ჩატარებული სამუშაოს მიხედვით დადგენილ იქნა 73 ობიექტი, რომელიც მოითხოვს გადაუდებელ სარემონტო-სარეაბილიტაციო სამუშაოების ჩატარებას.

სარეაბილიტაციო სამუშაოების განხორციელებისა და არსებული პრობლემების გასაცნობად დეპარტამენტის თანამშრომლები მივლინებულ იყვნენ:

- ქ. სენაკში – დევნილთა კომპაქტურად ჩასახლებულ ტერიტორიაზე მრავალპროფილიანი საყოფაცხოვრებო მომსახურების ობიექტის მშენებლობის საკითხთან დაკავშირებით. შესწავლილ იქნა იგპ-ებით ჩასახლებული ტერიტორია, შესრულებულ იქნა აზომვითი სამუშაოები და გაკეთდა ხარჯთაღრიცხვა;
- ქ. ბათუმში – იგპ-ებით კომპაქტურად ჩასახლების ადგილებში საყოფაცხოვრებო პირობების შესწავლის შედეგად შეიცვალა საკანალიზაციო სისტემა.

აფხაზეთის ავტონომიური რესპუბლიკის ბიუჯეტი


აფხაზეთის ავტონომიური რესპუბლიკის რესპუბლიკური ბიუჯეტის შემოსულობებმა 2016 წლის I კვარტალში შეადგინა 3 070,5 ათასი ლარი, რაც გეგმის (3 488,17 ათასი ლარი) 88,03%-ია.

გადასახადების სახეების მიხედვით ფაქტიურმა შემოსულობებმა შეადგინა:


- საშემოსავლო გადასახადი – 768,92 ათასი ლარი. გეგმა (1 201,17 ათასი ლარი) შესრულდა 64,01 %-ით;
- სახელმწიფო ბიუჯეტიდან გამოყოფილი ტრანსფერი – 2 250,0 ათასი ლარი. გეგმა (2 250,0 ათასი ლარი) შესრულდა 100%-ით;
- სხვა შემოსავლები – 51,83 ათასი ლარი, რამაც გეგმის (37,0 ათასი ლარი) 140,07% შეადგინა.

ბიუჯეტის შევსების მთავარი წყაროებია ცენტრალური ბიუჯეტიდან მიღებული ტრანსფერი და საშემოსავლო გადასახადი, რომელთა ხვედრითი წილი შემოსავლების საერთო მოცულობაში 73,3 და 25,0 პროცენტს შეადგენს შესაბამისად. აღნიშნული შემოსავლები ჯამში საერთო შემოსავლების 98,3 პროცენტია, ანუ დანარჩენ შემოსავლებზე მოდის მხოლოდ 1,7 პროცენტი.

დიაგრამა № 9: რესპუბლიკური ბიუჯეტის შემოსულობების საერთო მოცულობაში შემოსავლების ხვედრითი წილები სახეების მიხედვით. 2016 წ. I კვ.



დიაგრამა № 10: რესპუბლიკური ბიუჯეტის შემოსულობების საერთო მოცულობაში შემოსავლების ხვედრითი წილები სახეების მიხედვით. 2016/I კვ.-2015/I კვ.



ცხრილი №2: აფხაზეთის ავტონომიური რესპუბლიკის რესპუბლიკური ბიუჯეტის შესრულების შედეგები 2016 წლის I კვარტალში

	გეგმა	ფაქტი	გეგმის შესრ.%	გეგმასთან შედ.+/-	ათასი ლარი ხვ. წილი გადასახდელებთან %
გადასახდელები – სულ მ.შ.	3488,17	3143,91	90,13	-344,26	100
შრომის ანაზღაურება	1960,11	1849,92	94,38	-110,19	58,8
შტატგარეშე მომუშავეთა ანაზღ.	245,73	234,32	95,36	-11,41	7,5
მივლინებები	21,44	16,42	76,59	-5,02	0,5
ოფისის ხარჯები	177,68	139,05	78,26	-38,63	4,4
წარმომადგენლობითი ხარჯები	4,8	3,8	79,17	-1	0,1
რბილი ინვენტარისა და უნიფორმის შეძენის და პირად ჰიგიენასთან დაკ. ხარჯები	0,4	0,37	92,5	-0,03	0,01
ტრანსპორტის, ტექნიკისა და იარაღის ექსპლუატაციისა და მოვლა-შენახვის ხარჯები	93,25	78,99	84,7	-14,26	2,5
სხვა დანარჩენი საქონელი და მომსახურება	22,97	18,2	79,2	-4,77	0,6
სუბსიდია	660,32	603,06	91,3	-57,26	19,2
გრანტები	28,5	27,8	97,4	-0,75	0,9
სოციალური უზრუნველყოფა	172,08	135,77	78,9	-36,31	4,3
სხვა ხარჯები	49,32	26,32	53,4	-23	0,8
არაფინანსური აქტივების ზრდა	51,57	9,94	19,3	-41,63	0,3

დიაგრამა № 11: შემოსულობებისა და გადასახდელების შედარება 2016/1კვ.–2015/1კვ.

